



Broj: 05-02-1-3036/15  
Sarajevo, 10.12.2014. godine

PARLAMENTARNA SKUPŠTINA BiH  
- Zastupnički dom -  
- Dom naroda -

SARAJEVO

10-12-2015  
01,02-02-1-25/15

H

**PREDMET:** Prijedlog zakona o izmjeni i dopuni Zakona  
o ministarstvima i drugim tijelima uprave BiH, *dostavlja se*

Vijeće ministara Bosne i Hercegovine, na 32. sjednici održanoj 19.11.2015. godine, utvrdilo je Prijedlog zakona o izmjeni i dopuni Zakona o ministarstvima i drugim tijelima uprave Bosne i Hercegovine, te zaključilo da se isti uputi Parlamentarnoj skupštini Bosne i Hercegovine uz prijedlog da se razmatra po temeljnom zakonodavnom postupku.

U svezi s navedenim, u privitku dostavljamo Prijedlog zakona o izmjeni i dopuni Zakona o ministarstvima i drugim tijelima uprave Bosne i Hercegovine, na bosanskom, hrvatskom i srpskom jeziku. Istodobno dostavljamo Pregled odredbi Zakona koje se mijenjaju i dopunjavaju, kao i elektronsku verziju Prijedloga zakona.

S poštovanjem,

GENERALNI TAJNIK  
Zvonimir Kutleša

**PRIJEDLOG**

**ZAKON**

**O IZMJENI I DOPUNI ZAKONA MINISTARSTVIMA I DRUGIM TIJELIMA UPRAVE BOSNE I HERCEGOVINE**

Sarajevo,  
Prosinac 2015. godine

Na temelju članka IV. 4. a) Ustava Bosne i Hercegovine, Parlamentarna skupština Bosne i Hercegovine, na \_\_\_\_\_.  
sjednici Zastupničkog doma, održanoj \_\_\_\_\_ godine, i na \_\_\_\_\_. sjednici Doma naroda, održanoj  
\_\_\_\_\_ godine, usvojila je

## **ZAKON**

### **O IZMJENI I DOPUNI ZAKONA MINISTARSTVIMA I DRUGIM TIJELIMA UPRAVE BOSNE I HERCEGOVINE**

#### **Članak 1.**

U Zakonu o ministarstvima i drugim tijelima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13) u članku 11. u stavku 1. iza alineje 15. dodaje se alinaja 16. koja glasi:

„ - Financijsko planiranje razvoja u institucijama Bosne i Hercegovine koje obuhvaća upravljanje javnim investicijama i srednjoročno planiranje, praćenje i izvješćivanje.“

#### **Članak 2.**

Članak 23. mijenja se i glasi:

„ Vijeće ministara usvaja Srednjoročni program rada koji je temelj za pripremu Dokumenta okvirnog proračuna za trogodišnje razdoblje i srednjoročnih planova rada institucija Bosne i Hercegovine.

Tijela uprave Bosne i Hercegovine dužna su donijeti srednjoročne planove rada i godišnje programe rada utemeljene na Srednjoročnom programu rada Vijeća ministara Bosne i Hercegovine.

Srednjoročne planove rada institucija Bosne i Hercegovine donosi rukovoditelj tijela uprave Bosne i Hercegovine. Ukoliko planovi rada sadrže financijske obveze ili potrebe, potrebno je priložiti Mišljenje Ministarstva financija i trezora Bosne i Hercegovine.

Postupak srednjoročnog planiranja, praćenja i izvješćivanja u institucijama Bosne i Hercegovine propisuje Vijeće ministara Bosne i Hercegovine na prijedlog Ministarstva financija i trezora Bosne i Hercegovine.“

#### **Članak 3.**

Ovaj zakon stupa na snagu osmog dana od dana objavljivanja u “Službenom glasniku BiH”.

Broj \_\_\_\_\_

\_\_\_\_\_ 2015. godine

Sarajevo

Predsjedatelj

Zastupničkog doma

Parlamentarne skupštine BiH

Predsjedatelj

Doma naroda

Parlamentarne skupštine BiH

## OBRAZLOŽENJE

### **1. USTAVNI TEMELJ**

Ustavni temelj za donošenje ovog zakona sadržan je u članku IV 4. a) Ustava Bosne i Hercegovine, prema kojem je Parlamentarna skupština Bosne i Hercegovine ovlaštena za donošenje zakona.

### **2. RAZLOZI ZA DONOŠENJE ZAKONA**

Ministarstvo financija i trezora Bosne i Hercegovine je, svojim aktom broj: 13-22-1-5481-1/15 od 29.06.2015. godine, Ministarstvu pravde Bosne i Hercegovine, dostavilo Inicijativu za izmjenu i dopunu Zakona o ministarstvima i drugim tijelima uprave Bosne i Hercegovine i Zakona o Vijeću ministara Bosne i Hercegovine, obrazlažući istu potrebom da je Vijeće ministara Bosne i Hercegovine na 105. sjednici, održanoj 23. srpnja 2014. godine donijelo Odluku o postupku srednjoročnog planiranja, praćenja i izvješćivanja u institucijama Bosne i Hercegovine („Službeni glasnik BiH“, broj 62/14).

Dalje, navode da se navednom Odlukom propisuje postupak srednjoročnog planiranja, praćenja i izvješćivanja u institucijama Bosne i Hercegovine, sukladno nadležnostima Vijeća ministara Bosne i Hercegovine i institucija Bosne i Hercegovine.

Nakon dostavljene inicijative, održan je sastanak kod tajnika Ministarstva financija i trezora Bosne i Hercegovine, dana 21.07.2015. godine, kojom prilikom je konstatirano da postoji objektivna potreba izvršiti izmjenu i dopunu Zakona o ministarstvima i drugim tijelima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09) (u daljnjem tekstu: Zakon o ministarstvima). Tom prilikom je konstatirano da nema potrebe da se mijenjaju ili dopunjuju odredbe Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08).

Razlozi za donošenje predloženog Zakona o izmjeni i dopuni Zakona o ministarstvima ogledaju se u potrebi osiguranja osnove za kvalitetno upravljanje razvojem u skladu s nadležnostima Vijeća ministara Bosne i Hercegovine, a posebni razlozi se ogledaju u potrebi harmonizacije i koordinacije procesa planiranja u Vijeću ministara Bosne i Hercegovine, optimalna lokacija resursa na prioritetne zadatke i projekte, kao i unaprijeđenje procesa praćenja programa i planova i izvješćivanje o realizaciji istih.

Obzirom da je Ministarstvo financija i trezora stvarno nadležna institucija za uspostavljanje sustava srednjoročnog i godišnjeg planiranja, da bez uspostavljenog sustava srednjoročnog i godišnjeg planiranja nije moguće na odgovarajući način definirati prioritete, usmjeriti investicije i stvoriti osnovu za raspodjelu javnih resursa, da je ovako uspostavljen sustav planiranja neophodan i za povlačenje sredstava iz fondova EU i drugih razvojnih partnera, ali i za osiguranje okvira za druge oblike međunarodne suradnje, neophodno je i zakonom precizirati nadležnosti, kako bi se na jasan i nedvosmislen način utvrdile obveze institucija u procesu sustava srednjoročnog i godišnjeg planiranja, posebno uzimajući u obzir činjenicu da planiranje na programskom temelju još uvijek nije razvijeno kao praksa, koju je svakako neophodno ustanoviti.

### **3. PRINCIPI DONOŠENJA ZAKONA**

Temeljni principi ovog zakona odnose se na kvalitetno uspostavljanje sustava srednjoročnog i godišnjeg planiranja, na koji način se definiraju prioritete, usmjeravaju investicije i stvaraju osnovu za raspodjelu javnih resursa, na temelju kojih principa se utiče i na kvalitetu povlačenja sredstava iz fondova EU i drugih razvojnih projekata, ali i za osiguranje okvira za druge oblike međunarodne suradnje.

Takođe, principi ovog zakona odnose se i na zahtjeve ekonomskih prognoza na osnovu kojih se definiraju srednjoročne fiskalne strategije, određuje prioritet potrošnje, što je od bitnog uticaja i na naredne poslovne godine, kao i na povećanje predvidivosti financiranja.

#### **4. OBRAZLOŽENJE PREDLOŽENIH PRAVNIH RJEŠENJA**

**Člankom 1.** Zakona o izmjeni i dopuni Zakona o ministarstvima, dopunjuje se članak 11. Zakona o ministarstvima, na način da se proširuju nadležnosti Ministarstva financija i trezora, dodavanjem nove alineje, kojom se utvrđuje nadležnost ove institucije u pogledu finansijskog planiranja razvoja u institucijama Bosne i Hercegovine koje obuhvaća upravljanje javnim investicijama i srednjoročno planiranje, praćenje i izvješćivanje.

**Člankom 2.** Zakona o izmjeni i dopuni Zakona o ministarstvima, mijenja se članak 23. Zakona o ministarstvima, na način da se stavkom 1. propisuje da Vijeće ministara usvaja Srednjoročni program rada koji je temelj za pripremu Dokumenta okvirnog proračuna za trogodišnje razdoblje i srednjoročnih planova rada institucija Bosne i Hercegovine.

Stavkom 2. se obvezuju ministarstva i upravne organizacije da donesu srednjoročne planove rada i godišnje programe rada koji se temelje na Srednjoročnom programu rada Vijeća ministara.

Stavkom 3. se utvrđuje obveza rukovoditelja institucije da donese srednjoročni plan rada, a ukoliko planovi rada sadrže finansijske obveze ili potrebe, potrebno je priložiti i Mišljenje Ministarstva financija i trezora Bosne i Hercegovine.

Stavkom 4. se propisuje da Vijeće ministara Bosne i Hercegovine, na prijedlog Ministarstva financija i trezora propisuje postupak srednjoročnog planiranja, praćenja i izvješćivanja u institucijama Bosne i Hercegovine.

#### **5. USKLAĐENOST ZAKONA S EUROPSKIM ZAKONODAVSTVOM**

U svim zemljama EU provodi se objedinjeni postupak planiranja, praćenja i izvješćivanja, koji u cijelosti slijedi i Odluku o postupku srednjoročnog planiranja, praćenja i izvješćivanja u institucijama Bosne i Hercegovine („Službeni glasnik BiH“, broj 62/14), iz kojeg razloga je predložena izmjena i dopuna Zakona o ministarstvima, kako bi se identificirale i jasno prepoznale institucije Bosne i Hercegovine zadužene za postupak srednjoročnog planiranja, praćenja i izvješćivanja u institucijama.

#### **6. PROVEDBENI MEHANIZMI I NAČIN OSIGURANJA POŠTIVANJA ZAKONA**

Provođenje ovog Zakona osigurava se u okviru institucija Bosne i Hercegovine.

#### **7. FINANCIJSKA SREDSTVA ZA PROVOĐENJE ZAKONA**

Provođenje Zakona o izmjenama i dopuni Zakona o ministarstvima ne zahtijeva posebna sredstva iz Proračuna institucija Bosne i Hercegovine i međunarodnih obveza Bosne i Hercegovine.

#### **8. OPIS KONZULTACIJA VOĐENIH U PROCESU IZRADE ZAKONA**

U skladu s odredbama članka 6. Pravila za konzultacije u izradi pravnih propisa ("Službeni glasnik BiH", br. 81/06) Prednacrt Zakona o o izmjenama i dopuni Zakona o ministarstvima je u smislu konzultacija, a nakon utvrđivanja teksta Prednacrt zakona, postavljen na internet stranici Ministarstva pravde BiH, radi dostave komentara zainteresiranih strana u roku od 21 dan od dana stavljanja Prednacrt zakona na internet stranicu.

Javne konzultacije u vezi s Prednacrtom zakona obavljene su u razdoblju od 17.09.2015. godine do 08.10.2015. godine.

## **9. PRIBAVLJANJE MIŠLJENJA**

Prije dostavljanja Zakona o izmjenama i dopuni Zakona o ministarstvima Vijeću ministara BiH, radi utvrđivanja Prijedloga zakona, Ministarstvo pravde BiH je pribavilo i mišljenje nadležnih institucija, i to:

Ureda za zakonodavstvo, broj: 01-02-1-517 od 01.09.2015. godine,

Ministarstva financija i trezora BiH, broj: 05-02-2-6838-2/15 od 31.08.2015. godine

Direkcije za europske integracije, broj: 03/B06-2-LBK-1178-2/15 od 28.08. 2015. godine,



## P R E G L E D

### ODREDABA KOJE SE MIJENJAJU

#### U

**ZAKONU O MINISTARSTVIMA I DRUGIM TIJELIMA UPRAVE BOSNE I HERCEGOVINE („SLUŽBENI GLASNIK BiH“, BR. 5/03, 42/03, 26/04, 42/04, 45/06, 88/07, 35/09 i 103/09)**

#### Članak 11.

Ministarstvo financija i trezora mjerodavno je za:

- načela porezne politike, pristojbi i propisa;
- odnose s međunarodnim i domaćim finansijskim institucijama;
- pripremanje ugovora, sporazuma i drugih akata kojim BiH preuzima zajmove i druge finansijske obveze s drugim zemljama i međunarodnim organizacijama;
- planiranje i upravljanje dugom BiH, izvršavanje međunarodnih finansijskih obveza;
- politiku novog zaduživanja u zemlji i inozemstvu;
- pripremu proračuna BiH i završnog računa BiH;
- koordiniranje aktivnosti za osiguranje proračunskih sredstava BiH;
- izvršavanje proračuna BiH i brigu o financiranju institucija BiH;
- vođenje aktivnosti o sukcesiji imovine bivše SFRJ;
- bankarske propise koji se odnose na funkcioniranje Centralne banke BiH;
- upravljanje imovinom u vlasništvu institucija BiH;
- kompiliranje, distribuiranje, i objavljivanje konsolidiranih općih vladinih fiskalnih podataka;
- koordiniranje međunarodne ekonomske potpore BiH, osim dijela koji se odnosi na pomoć Europske unije;
- uređenje unutarnje kontrole proračunskih korisnika sukladno međunarodno priznatim standardima unutarnje kontrole, kao i za davanje smjernica za uspostavu i održavanje sustava unutarnje kontrole;
- razvoj, rukovođenje i koordinaciju unutarnje revizije u institucijama Bosne i Hercegovine.

U sastavu ovoga ministarstva je Središnja jedinica za usklađivanje Ministarstva financija i trezora, sa statusom upravne organizacije.

#### Članak 23.

Ministarstva i upravne organizacije dužne su za svaku kalendarsku godinu donijeti Programe rada.

Programi rada moraju sadržavati aktivnosti prema politikama koje utvrđuje predsjedatelj i zamjenici predsjedatelja Vijeća ministara sukladno članku 29. Zakona o Vijeću ministara BiH.

Programi rada uz prethodno pribavljeno mišljenje Ministarstva za financije i trezor o finansijskom aspektu programa rada, dostavljaju se na potvrdu Vijeću ministara.

## Obrazac Izjave o provedenim javnim konzultacijama

- Na osnovu člana 24. Pravila za konsultacije u izradi pravnih propisa („Službeni glasnik BiH“, broj 81/06 i 80/14),  
Ministarstvo pravde Bosne i Hercegovine, uz prijedlog Zakona o izmjeni i dopuni Zakona o ministarstvima i drugim  
tijelima uprave Bosne i Hercegovine, d a j e

### IZJAVU

1.	Minimalne obaveze u pogledu konsultacija	Konzultacije obavljene u periodu 17.09.2015. godine do 08.10.2015. godine, postavljanjem teksta Nacrta zakona na web. stranicu Ministarstva pravde Bosne i Hercegovine
2.	Obrazloženje zaključka da li pravni propis ima značajnog uticaja na javnost ili ne	Pravni propis nema karakter propisa iz čl. 9.-13. Pravila za konsultacije u izradi pravnih propisa
3.	Obrazloženje odluke o obliku izvršenih konsultacija	Izvršene su konsultacije sukladno članku 6. Pravila za konsultacije u izradi pravnih propisa
4.	Nevladine organizacije sa kojima su izvršene konsultacije	-
5.	Stav nevladinog sektora (podrška, prihvaćeno nakon usvajanja prijedloga i izmjene u tekstu prema zahtjevima NVO-a, bez podrške)	-
6.	Mjere informisanja javnosti i mišljenje javnosti	-
7.	Konsultacije sa domaćim i međunarodnim konsultantima	Obavljene su konsultacije sa nadležnim institucijama Bosne i Hercegovine
8.	Izjava da je institucija postupila sa primljenim komentarima u skladu s ovim postupkom i dostavila potrebni izvještaj u skladu sa članom 23. stav (3) Pravila	Ministarstvo pravde Bosne i Hercegovine je prihvatilo predložene sugestije i iste su ugrađene u tekst Prijedloga zakona
9.	Ostale informacije	-



**Dijana Beribaka**

---

**From:** Ivana Zeljković  
**Sent:** 19. listopada 2015. 15:23  
**To:** Fazila Musić  
**Cc:** Niko Grubešić; Dijana Beribaka  
**Subject:** Javne konzultacije  
**Attachments:** 19102015145229.pdf

Prijedlog Zakona o izmjenama i dopunama Zakona o ministarstvima i drugim organima uprave Bosne i Hercegovine je na web stranici Ministarstva bio objavljen u periodu od 17.9.2015. do 8.10.2015. godine u procesu Javnih konzultacija.

Na mail adresu kolegice Dijane Beribake bile su preusmjereni mailovi sa mail-a [konsultacije@mpr.gov.ba](mailto:konsultacije@mpr.gov.ba)

S poštovanjem,  
Ivana Zeljković



17.9.2015 12:00

## Javne konsultacije

Ministarstvo pravde Bosne i Hercegovine je prvi državni organ u Bosni i Hercegovini koji je počeo provođenje Pravila za konsultacije u izradi pravnih propisa Vijeće ministara BiH. Svi zainteresovani građani i pravna lica imaju priliku direktno učestvovati u izradi pravnih propisa. Procesom javnih konsultacija želimo obezbijediti veći nivo učestvovanja interesnih grupa u zakonodavnim aktivnostima, bolju informisanost i veće povjerenje građana u proces izrade strateških politika.

Uz sve potrebne informacije, pravilnik za konsultacije i relevantne propise te planirane normativno-pravne poslove u 2015. godini, na ovoj stranici redovno objavljujemo sve aktuelne prijedloge nacрта zakona i podzakonskih akata. Pisane komentare ili podatke na predložene nacрте možete dostaviti direktno na e-mail [konsultacije@mpr.gov.ba](mailto:konsultacije@mpr.gov.ba) (<mailto:konsultacije@mpr.gov.ba>). Komentari i podaci će biti korišteni u pripremi prijedloga zakona ili podzakonskih akata koji se dostavljaju Vijeću ministara BiH.

### Novo u procesu javnih konsultacija!

**Prijedlog Zakona o izmjeni i dopuni Zakona o ministarstvima i drugim organima uprave Bosne i Hercegovine (/aktuelnosti/propisi/konsultacije/Izmjene i dopune zakona o ministarstvima.pdf)**

U skladu sa članom 6. Pravila za konsultacije u izradi pravnih propisa ("Službeni glasnik BiH" br. 81/06), pozivamo vas da učestvujete u izradi

<http://www.mpr.gov.ba/aktuelnosti/propisi/konsultacije/Prednacrt%20Zakona%20o%20udru%C5%BEnima%20i%20fondacijama%20BiH.pdf>

[\(/aktuelnosti/propisi/konsultacije/Izmjene i dopune zakona o ministarstvima.pdf\)](http://www.mpr.gov.ba/aktuelnosti/propisi/konsultacije/Izmjene i dopune zakona o ministarstvima.pdf)

<http://www.mpr.gov.ba/aktuelnosti/propisi/konsultacije/Prednacrt%20Zakona%20o%20udru%C5%BEnima%20i%20fondacijama%20BiH.pdf>

[Zakona o izmjeni i dopuni Zakona o ministarstvima i drugim organima uprave Bosne i Hercegovine.](http://www.mpr.gov.ba/aktuelnosti/propisi/konsultacije/Izmjene i dopune zakona o ministarstvima.pdf)

[\(/aktuelnosti/propisi/konsultacije/Izmjene i dopune zakona o ministarstvima.pdf\)](http://www.mpr.gov.ba/aktuelnosti/propisi/konsultacije/Izmjene i dopune zakona o ministarstvima.pdf)

Proces javnih konsultacija otvoren je od četvrtka 17.9.2015. do četvrtka 8.10.2015. godine.

Predloženi Prijedlog Zakona preuzmite [ovdje \(/aktuelnosti/propisi/konsultacije/Izmjene i dopune zakona o ministarstvima.pdf\)](http://www.mpr.gov.ba/aktuelnosti/propisi/konsultacije/Izmjene i dopune zakona o ministarstvima.pdf).

**Obrazac za dostavljanje komentara i prijedloga izmjena na prednacrt propisa (/web\_dokumenti/10 i Obrazac za dostavljanje komentara na prednacrt propisa - BI.doc)**

#### Kontakt

Alma Gutić, koordinator za konsultacije

Adresa: Trg BiH 1, 71000 Sarajevo, Bosna i Hercegovina

Tel. : + 387 33 28 16 25

Fax: + 387 33 20 17 41

E-mail: [konsultacije@mpr.gov.ba](mailto:konsultacije@mpr.gov.ba) (<mailto:konsultacije@mpr.gov.ba>)



Broj: 01-02-1-517/15  
Sarajevo, 01.09.2015. godine  
(ZB)

SEPAR. 0.3.9.2015/15 Bernbein

03-09-2015

BOSNA I HERCEGOVINA  
MINISTARSTVO PRAVDE  
SARAJEVO

09-02-4-6659/15

**PREDMET:** Mišljenje o Nacrtu Zakona o izmjeni i dopuni Zakona o ministarstvima i drugim organima uprave Bosne i Hercegovine

Ured za zakonodavstvo Vijeća ministara Bosne i Hercegovine, razmotrio je **Nacrt Zakona o izmjeni i dopuni Zakona o ministarstvima i drugim organima uprave Bosne i Hercegovine** i na osnovu člana 25. stav 1. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), daje

#### MIŠLJENJE

Ustavni osnov za donošenje predmetnog Zakona sadržan je u članu IV 4.a) Ustava Bosne i Hercegovine, prema kojem je Parlamentarna skupština Bosne i Hercegovine nadležna za donošenje zakona potrebnih za provođenje odluka Predsjedništva Bosne i Hercegovine ili za vršenje funkcija Parlamentarne skupštine prema Ustavu Bosne i Hercegovine.

Ministarsvo finansija i trezora Bosne i Hercegovine dostavilo je Ministarstvu pravde Bosne i Hercegovine Inicijativu za izmjenu i dopunu Zakona o ministarstvima i drugim tijelima uprave Bosne i Hercegovine. Ovome je prethodilo donošenje Odluke o postupku srednjoročnog planiranja, praćenja i izvještavanja u institucijama Bosne i Hercegovine („Službeni glasnik BiH“, broj 62/14), s obzirom da se navedenom Odlukom propisuje postupak srednjoročnog planiranja, praćenja i izvještavanja u institucijama Bosne i Hercegovine.

Razlozi za donošenje predmetnog zakona ogledaju se u potrebi osiguranja osnove za kvalitetno upravljanje razvojem u skladu sa nadležnostima Vijeća ministara Bosne i Hercegovine, a posebni razlozi odnose se na potrebu harmonizacije i koordinacije procesa planiranja u Vijeću ministara Bosne i Hercegovine

Predmetnim zakonom, Ministarstvo pravde pripremiло je izmjenu i dopunu Zakona o ministarstvima i drugim tijelima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13), na način što se proširuju nadležnosti Ministarstva finansija i trezora dodavanjem nove alineje koja se odnosi na finansijsko planiranje razvoja u institucijama Bosne i Hercegovine, te izmjena člana 23. kojim se reguliše postupak usvajanja Srednjoročnog programa rada.

Na dostavljeni tekst Nacrta Zakona o izmjeni i dopuni Zakona o ministarstvima i drugim organima uprave Bosne i Hercegovine, Ured za zakonodavstvo daje sljedeće sugestije:

- u članu 1., kod pozivanja na Zakon o ministarstvima i drugim organima uprave Bosne i Hercegovine, u zagradi su izostavljeni neki brojevi Službenog glasnika Bosne i Hercegovine, tako da bi pozivanje na brojeve trebalo da glasi „(„Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12 i 6/13)“;
- u članu 2., u stavu 2. i stavu 3. ujednačiti formulacije „Ministarstva i upravne organizacije“ i „organ uprave Bosne i Hercegovine“.
- takođe u članu 2., označavanje stavova unutar predloženog člana 23. ujednačiti sa označavanjem, kako je to urađeno u tekstu osnovnog zakona.

Ured za zakonodavstvo ukazuje da se o tekstu nacrta zakona pribave mišljenja Ministarstva finansija i trezora i Direkcije za evropske integracije.





BOSNIA AND HERZEGOVINA  
MINISTRY OF FINANCE  
AND TREASURY

Broj: 05-02-2-6838-2/15  
Sarajevo, 31.8.2015. godine

BOSNA I HERCEGOVINA  
Ministarstvo pravde

04-09-2015

09-02-4-6659/15

**Predmet: Mišljenje na Nacrt Zakona o izmjeni i dopuni Zakona o ministarstvima i drugim organima uprave Bosne i Hercegovine.**

*Veza: akt broj 09-02-4-6659/15 od 13.8.2015. godine*

Vezano za Vaš dopis, broj naveden u vezi, a kojim se traži Mišljenje na Nacrt Zakona o izmjeni i dopuni Zakona o ministarstvima i drugim organima uprave Bosne i Hercegovine, sukladno odredbama članka 31. pod e). Poslovnika o radu Vijeća ministara Bosne i Hercegovine („Službeni glasnik BiH“, broj 22/03), dajemo

**MIŠLJENJE**

1. Nacrtom Zakona vrši se dopuna članka 11. te izmjena 23. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 59/09 i 103/09).
2. U Obrazloženju dostavljenom u prilogu Prijedloga Zakona pod **VI- Potrebna financijska sredstva**, navodi se **da provedba Zakona o izmjeni i dopuni Zakona o ministarstvima i drugim organima uprave Bosne i Hercegovine ne zahtijeva posebna sredstva iz Proračuna institucija Bosne i Hercegovine i međunarodnih obveza Bosne i Hercegovine.**
3. Na temelju navedenog u točki 2. ovog mišljenja, Ministarstvo financija i trezora Bosne i Hercegovine **daje pozitivno mišljenje na financijski aspekt nacrtu Zakona o izmjeni i dopuni Zakona o ministarstvima i drugim organima uprave Bosne i Hercegovine.**

S poštovanjem,

DOSTAVITI:

- Naslovu
- Sektor za proračun institucija Bosne i Hercegovine
- a/a







Broj: 03/B-06-2-LBK-1178-2/15

Sarajevo: 28.08.2015. godine

BOSNA I HERCEGOVINA  
MINISTARSTVO PRAVDETrg BiH 1  
71000 Sarajevo

01-09-2015

09-02-4-6659/15

Predmet: Mišljenje o usklađenosti Nacrta Zakona o izmjeni i dopuni Zakona o ministarstvima i drugim tijelima uprave Bosne i Hercegovine sa *acquis-em*

Veza: Vaš akt broj 09-02-4-6659/15 od 13.08.2015. godine

Na osnovu člana 18. Zakona o ministarstvima i drugim organima uprave Bosne i Hercegovine („Službeni glasnik BiH“, broj 5/03, 42/03, 26/04, 42/04, 45/06, 88/07, 35/09, 103/09), člana 6. Odluke o Direkciji za evropske integracije („Službeni glasnik BiH“, broj 41/03) i Odluke o instrumentima za usklađivanje zakonodavstva BiH s pravnom tečevinom Evropske unije („Službeni glasnik BiH“, broj 23/11), Direkcija za evropske integracije daje sljedeće:

### MIŠLJENJE

Nacrtom Zakona o izmjeni i dopuni Zakona o ministarstvima i drugim tijelima uprave Bosne i Hercegovine dopunjava se član 11. Zakona o ministarstvima i drugim upravnim tijelima („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09 i 103/09) na način da se utvrđuje nadležnost Ministarstva finansija i trezora u pogledu finansijskog planiranja razvoja u institucijama Bosne i Hercegovine; zatim se mijenja član 23. Zakona, na način da se propisuje da Vijeće ministara usvaja Srednjoročni program rada koji je osnov za pripremu Dokumenta okvirnog budžeta za trogodišnji period i srednjoročnih planova rada institucija BiH, obavezuju se ministarstva i upravne organizacije da donesu srednjoročne planove rada i godišnje programe rada koji se zasnivaju na Srednjoročnom planu rada Vijeća ministara, te se utvrđuje obaveza rukovodioca institucije da donose srednjoročni plan rada, te obaveza Vijeća ministara da propisuje postupak srednjoročnog planiranja, praćenja i izvještavanja.

Analizom sekundarnih izvora prava Evropske unije utvrđeno je da materija koja se uređuje Nacrtom Zakona nije regulisana pravno obavezujućim aktima Evropske unije, te u konkretnom slučaju nije moguće dati ocjenu o usklađenosti Nacrta Zakona sa *acquis-em*.



U daljnjem procesu usklađivanja pravnih propisa s odredbama *acquis-a*, Direkcija za evropske integracije vam stoji na raspolaganju u obimu svojih nadležnosti.

